

四庫全書

史部

欽定四庫全書

史部

欽定盛京通志卷六十九

少詹事<sup>臣</sup>曹城覆勘

總校官編修<sup>臣</sup>朱 鈐

欽定四庫全書

欽定盛京通志卷六十九

國朝人物五

正黃旗滿洲





欽定四庫全書

欽定盛京通志卷六十九

國朝人物 五

正黃旗滿洲

揚古利姓舒穆祿隸正黃旗滿洲父郎柱為庫爾喀部長倡其部人翊戴我

太祖遣揚古利入侍尋郎柱為部人所害其妻孥幼子來歸及庫爾喀舉部內屬揚古利偵其部人之殺父

者手刃之時年甫十四

太祖深異之日見信任乃尚主馬征輝發多璧城阻水不得進揚古利亂流而濟衆從之遂抵其城多所俘獲取訥殷部及珠舍哩安楚拉庫路皆有功從征哈達擒其酋蒙格布祿以歸歲丁未遷費優城戶口偕侍衛扈爾漢率兵為前導烏拉以萬人邀諸路我兵止二百相顧未發揚古利曰吾儕嘗謂死于疾寧死于敵此非臨敵時乎矛突入斬七人敵

稍却我後部兵繼至併力奮擊大破之再征輝發  
狗赫錫赫穆稜路每為軍鋒歲戊申從攻烏拉金  
州城克之歲癸丑從攻烏拉青河城敵殊死抵禦  
勢銳甚

太祖恤諸將士傳箭令少退揚古利獨麾衆薄城疾攻拔  
之歲己未明總兵杜松馬林先後來犯從擊松於  
界藩覆其軍以力戰被創進擊林於尚間崖

太祖誠被創者勿更戰揚古利堅請行褻創奮擊大破之

天命六年取瀋陽皆先登功最

太祖嘉其績

命位次八貝勒下爵以一等子予世襲十年明總兵毛文龍遣兵犯耀州乘夜襲官屯寨擊殲之天聰三年從征明薄燕京城敗明武經略滿桂軍于城北師還略通州火其船再敗其兵于薊州四年略錦州義州七年略山海關具有斬馘八年晉超品一等公世襲罔替從攻大同宣府拔靈邱崇德元年偕

武英郡王阿濟格證明入喜峰口下昌平等十二城五十八戰皆捷俘獲以萬計二年從征朝鮮抵南漢擊走其全羅忠清兩道援兵追及山嶺猝中鳥鎗傷重卒年六十有六揚古利自弱冠從軍大小百餘戰功績懋著而持身敬慎厯事

兩朝恩遇殊絕歿之日

太宗慟哭之親視其含歛比塋復

臨奠醊為置守塚追封武勲王以其子塔瞻襲公爵順治

中配享

太廟康熙三十七年

聖祖東巡親酌其墓三十九年

御製碑文紀其功雍正九年加封號曰英誠乾隆八年十  
九年四十三年四十八年

上詣

盛京俱親酌其墓有

御製賜奠詩

恭載  
章門

天

楞額禮武勲王揚古利仲弟也自少從征伐授騎  
都尉世職累晉一等男任副都統天命九年明將  
毛文龍遣兵由朝鮮義州城西渡鴨綠江入島中  
屯田楞額禮偕副都統武善襲之斬五百餘級縱  
火焚其積聚

太宗即位列十六大臣尋擢都統為八大臣偕叅領阿山  
以六百入略喀爾喀巴林地擒其貝勒十四人俘  
獲甚衆以功晉三等子天聰元年從大貝勒阿敏

征朝鮮攻克義州城晉一等子三年文龍自雙島  
移軍鐵山為朝鮮援楞額禮以精兵夜擣之斬馘  
無算文龍遁走東江五年五月偕都統喀克都禮  
征南海島八月從圍大凌河城並有功七年從貝  
勒岳託攻旅順口屢敗其將黃龍遂下之八年卒  
太祖親臨其喪明年

巡幸

盛京北山道經其墓



奠而哭之順治十二年追謚武襄子穆成格襲

納穆泰武勲王揚古利第三弟也少事

太祖累官至副都統

太宗即位擢都統與八大臣之列天聰元年從征朝鮮以

功得

恩賞三年從攻遵化克之四年大軍凱旋以貝勒阿敏留

守永平以納穆泰與都統圖爾格駐防灤州明兵

備叅政張春合祖大壽馬世龍諸鎮兵來攻悉力

禦之乞援永平未至明兵發巨礮轟城城燬遂哭  
圍走永平從阿敏東歸論罪當死

特恩原之禡其職五年偵緝至明邊界斬其哨卒攻拔其  
臺堡還遇我逃人于道馘其六餘悉執之歸尋覘  
事大凌河有俘獲並得明諜者張士粹詭降狀誅  
之遂復官為兵部承政授三等輕車都尉世職是  
年偕圖爾格略錦州松山八年從入上方堡狗朔  
州抵大同攻王家莊先登九年從睿親王多爾袞

征察哈爾降林丹汗子額哲遂自應州略山西還  
軍過平魯衛城城中兵出戰擊破之追斬百餘人  
會大同鎮將合寧遠錦州援兵三千來拒復擊破  
之逐北至城濠死者相枕籍叙功加三等男未幾  
卒于阿哈連襲

額爾德尼姓納喇隸正黃旗滿洲性慧敏盡通蒙  
古漢文以文學事

太祖賜號巴克什每從征蒙古諸部傳宣

詔令諭降其部衆著有勞績天命三年從取撫順明總兵  
張承廕自廣寧馳援額爾德尼偕諸將擊敗之斬  
承廕叙功授男爵初奉

命偕理事大臣噶蓋創製

國書後哈達貝勒盛格布祿以謀逆伏誅噶蓋坐其  
黨死額爾德尼遂獨任之既成頒行國中

國書傳布自此始額爾德尼既卒

太宗復命儒臣達海庫爾禪等述其義而增益之順治十

一年與達海庫爾禪並追謚文成子薩哈連官至  
鑾儀衛冠軍使

賜姓赫舍里

希福姓赫舍里世居都英額再遷哈達

太祖既滅哈達從其兄碩色來歸以通蒙古漢文遂專任

文館

賜號巴克什後隸滿洲正黃旗天聰二年征察哈爾令往  
徵科爾沁兵會寇騎充斥土謝圖台吉奧巴止無

行希福曰死則死耳

君命安得辭後卒徵其兵來會叙功授騎都尉世職三年  
從征明薄燕京復從功大凌河城並有功晉三等  
輕車都尉崇德元年改文館為內三院授弘文院  
大學士晉世職二等三年與大學士范文程請更  
定官制從之希福雖以文學居內院然常奉使察  
哈爾喀科爾沁諸部頒法律平獄訟宣

上德意時或詣軍營相度形勢規畫機宜每還報

命未嘗不稱善順治元年譯遼金元三史成得

優賚時部院大臣每旦會食於堂漸華侈希福嘗語同官

范文程謂我輩儒臣非勲臣比安可厚自奉養乃  
偕白睿親王王然之希福退述其事于譚布譚布  
兄譚泰素與希福有隙遂訐其妄播王言詆譏大  
臣坐奪官八年

世祖親政察其枉再授弘文院大學士九年修

太宗實錄充總裁官屢晉三等子世襲尋卒年六十有四

贈太保謚文簡以長子奇塔特襲康熙元年以希福事我

太宗勤勞最著更錄其次子師顏保為內院學士

明安姓博爾濟吉特初為蒙古烏嚕特部貝勒天命七年率所屬人戶來歸爵以三等子隸滿洲正黃旗天聰三年偕都統武訥格等征察哈爾降其部人二千戶五年從圍大凌河城屢敗明總兵祖大壽後大壽力絀來降明安得



恩賚順治初三遇

恩詔晉爵至二等伯十一年卒子四長昂洪次多爾濟次綽爾濟次朗素明安卒時昂洪多爾濟皆前卒綽爾濟已襲多爾濟爵為三等子乃以朗素襲其父爵雍正中追封明安一等侯子世襲加號恭誠以朗素之孫瑪蘭泰襲昂洪初授職為三等輕車都尉天命十一年從征巴林部及扎魯特部天聰五年從征大凌河功最特進三等男

賜號達爾和碩齊七年卒子鄂齊爾襲多爾濟初以騎都尉尚郡主為額駙天命中征扎魯特棟奎克什騰諸部天聰元年征朝鮮皆在軍中並有功五年授刑部承政八年征大同多爾濟將中軍擊敗明總兵曹文詔追至城下崇德二年進內大臣預議政四年從鄭親王濟爾哈朗略錦州陣斬三人六年偕內大臣錫翰設伏高橋敗明兵之自杏山遁者躡擊至塔山斬獲甚衆晉爵一等男順治二年晉

三等子五年卒

恩格德爾姓博爾濟吉特世居錫拉穆倫

太祖高皇帝創業時喀蒙古自分五部爭相雄長恩格德爾為巴岳特部台吉歲乙巳來朝獻馬二十明年率五部使臣獻駝馬奉表尊我

太祖為神武皇帝自是朝貢無間天命二年尚貝勒舒爾哈齊女為額駙九年請率所部來歸

遣大貝勒代善等以兵護至遼陽

賜爵三等子隸正黃旗滿洲天聰三年偕都統武訥格等  
征察哈爾招降二千戶明年春大軍克永平恩格  
德爾徇其旁近邑遇明步卒三百將戰忽突騎三  
千自玉田出恩格德爾佯引卻敵稍前疑有伏還  
走因追襲其後獲馬百崇德元年卒以其第四子  
額爾克岱青襲順治十二年追諡端順雍正七年  
追封三等公加號順義弟莽古爾岱崇德中從攻  
錦州杏山俱著有功績順治初入關擊流寇有功

累加世職至一等子

希爾根姓覺爾察隸正黃旗滿洲以護衛事

太宗于藩邸天命十一年從征巴林部部長囊努克挾數  
騎遁希爾根追及之馬蹶易馬哭前擊走其從騎  
自是屢從征討有功授騎都尉世職崇德元年大  
軍征明分克昌平寶坻順義密雲東安文安定興  
安肅容城安州雄縣諸城明太監高起潛督兵拒  
戰擊敗之擒其總兵巢丕昌師還獨以軍殿叙功

超授一等輕車都尉二年從克皮島五年從圍錦  
州敗松山援兵七年從入黃崖口進圍薊州明總  
兵白騰蛟馳救大破之順治二年加一雲騎尉是  
年從英親王阿濟格討李自成自綏德進圍延安  
敗其將一隻虎會豫親王多鐸軍已破西安自成  
奔湖廣遂移師追勦至安陸武昌賊集艦五百餘  
將沿江東下希爾根馳至江濱盡獲之凱旋晉爵  
三等男三年從肅親王豪格討張獻忠與護軍統

領阿爾津蘇拜擊敗賊黨高汝礪武大定兵進擊  
獻忠于西充別趨涪州勦賊袁韜俘斬無算師還  
坐與阿爾津蘇拜爭功降世職為三等輕車都尉  
六年從巽親王滿達海討大同叛鎮姜瓖分兵圍  
太谷克其城進克大同及長子縣渾源州朔州徇  
永寧州潞安府皆下之又偕都統漢岱攻復遼州  
山西平論功復遇

恩詔晉爵至二等男九年擢護軍統領十年列內大臣晉

一等男康熙十二年加太子太保十三年逆藩耿精忠叛應吳三桂遣其黨犯江西乃授希爾根為定南將軍以討之師次南昌賊已陷廣信建昌撫州希爾根督兵復撫州偽將軍陳昇乘間犯贛州遣副都統幹都海叅將色勒擊敗之十四年復建昌時賊黨分據餘干浮梁樂平諸邑督師殄其衆方規取廣信未復十五年三桂自湖南犯吉安陷之希爾根馳赴吉安圍之數月明年賊遁去還軍



駐南昌尋以年老

召還京十八年卒

賜祭葬以其孫尚世泰襲

敦拜姓富察隸正黃旗滿洲父綑科理事

太祖為佐領綑科理事遂以敦拜代之天命中從征寧遠有

功天聰八年授騎都尉世職崇德五年擢護軍統

領從圍錦州六年復圍錦州戰松山八年駐防錦

州順治元年入關追敗流賊論功加世職為一等

輕車都尉從擊流賊陝州屢戰皆捷移師下江南  
追獲明福王朱由崧於蕪湖三年從征福建平之  
進世職二等五年討江西叛鎮金聲桓先驅抵九  
江破其兵三千進薄臨江下其城盡降其屬邑六  
年勦撫河間土寇七年遇

恩詔加世職為三等男十一年征廣東擊走偽晉王李定  
國克復廉雷諸郡十三年叙功加一等子尋乞休  
特加太子太保致仕十四年起為都統鎮守

盛京十七年卒謚襄莊

索尼姓赫舍里隸正黃旗滿洲大學士希福從子也

太祖時授一等侍衛屢從征討哈達犯界藩城擊敗之從征棟奎蒙古援兵雲集立二寨為犄角索尼攻拔其一寨餘衆悉降天聰元年從攻錦州偵軍事于寧遠並有功二年

太宗親征察哈爾徵兵外藩科爾沁遲久不至

遣索尼飭責之乃以兵來會土謝圖台吉與巴遂入朝妻  
以貝勒舒爾哈齊孫女既而與巴屢背約私與明  
通時復徵兵不至索尼賚

璽書申飭曉以大義與巴泥首悔罪三年從征明至燕京  
明薊遼督師袁崇煥赴援列營城東南肅親王豪  
格迎戰敵圍之數重矢石雨下索尼躍馬突入陣  
左右馳擊遂援肅親王以出明年諭降榛子鎮沙  
河驛人戶拔永平登城周麾黃旗以撫其衆五年

擢吏部啟心郎從圍大凌河明兵自錦州赴援索尼持短兵步戰敗之明年從征察哈爾還師入明邊界略大同取阜臺寨八年授騎都尉世職崇德八年考績超授三等男順治二年晉二等子以子爵尊不宜復列郎官乃解啟心郎任時英親王阿濟格獲罪王方與都統譚泰等勦賊湖廣

詔列其罪狀令譚泰宣示軍中譚泰匿不以示索尼劾之譚泰坐削公爵銜索尼因訐其盜內庫琴及珠馬

庫院捕魚

禁門橋下事索尼遂罷廢明年護軍統領圖賴劾譚泰爭功怨望詞連索尼初大軍分道勦李自成于西安譚泰所出道迂險後至無功及移師下江南譚泰慮不得與語於圖賴頗怏怏圖賴遺書索尼屬以譚泰語達睿親王賚書者私發之恐譚泰得罪沉之河至是圖賴復論前事逮訊賚書者說云已達諸大臣坐索尼黨庇罪當斬王親鞠之索尼

曰吾發譚泰匿

詔旨罪顧匿圖賴書以庇之乎王悟窮訊賚書者事得白  
尋復授二等子五年貝子屯齊訐索尼與圖賴等  
嘗謀立肅親王論死從未減遣守

昭陵八年

世祖親政鑒索尼枉

召還京復其爵累晉一等伯擢內大臣兼議政大臣十八  
年

遺詔以索尼與大臣蘇克薩哈遏必隆鰲拜輔政蘇克薩哈與鰲拜爭事成隙索尼惡之年已老矣且有疾  
康熙六年屢請

聖祖親政乃

俞其請

特賜爵一等公與前所授一等伯並世襲是年七月卒

賜祭葬有加禮謚文忠以第五子心裕襲一等伯第六子

法保襲一等公長子噶布拉仕至領侍衛內大臣



十三年

聖祖因

孝誠仁皇后

推恩所生授為一等公

譚布姓舒穆祿隸正黃旗滿洲揚古利從弟也天聰五年以護軍叅領從圍大凌河城斷其樵採復擊敗錦州援兵崇德二年列議政大臣四年十一月從征索倫部取道瑚爾哈部攻克雅克薩城索

倫部長博穆博果爾迎戰擊卻之擢副都統六年  
圍錦州明總兵祖大壽遣步卒突圍譚布擊敗之  
明總督洪承疇軍松山以援錦州譚布與兄譚泰  
擊破其步卒三營屢挫其騎兵之犯右翼營者八  
年從鄭親王濟爾哈朗攻寧遠順治元年從入山  
海關並有功二年從饒餘郡王阿巴泰鎮守山東  
勦平滿家洞賊進征徐州連敗明兵獲船五百餘  
巨礮五十有七時豫親王多鐸統師自河南出泗

州渡河趨揚州下江寧而明總兵劉澤清尚踞淮安譚布偕都統準塔率兵至清江浦擊走澤清遂定淮安招降旁近城邑分兵定如皋通州三年從肅親王豪格討張獻忠屢擊敗之六年從端重親王博洛討大同叛將姜瓖瓖潛結賊黨為援犄北山以逼我軍自率其衆出城來犯譚布先破其援兵還擊瓖於城下斬殪甚衆又分兵殲其黨于太平平陽汾州屢叙功復遇

恩詔晉爵至一等男八年擢工部尚書尋其兄譚泰以罪  
伏誅遂罷任降三等男康熙四年卒子喀岱襲

圖賴姓瓜爾佳信勇公費英東第七子也初隸鑲  
黃旗後改隸正黃旗天聰二年從征明薄燕京以  
功授騎都尉世職四年從大貝勒阿敏留守永平  
明兵備叅政張春合馬世龍諸鎮兵圍都統圖爾  
格等于灤州圖賴馳救之比至圖爾格等已突圍  
出遂擊卻其追騎從大貝勒撤師出邊以十六人

殿返擊明兵之躡我後者殲之尋授三等輕車都尉略大同攻拔靈邱及小石城從圍大凌河城軍兩黃旗間以衛樵採六年大軍破走察哈爾移師證明次布里波圖賴狗沙河堡降之七年從取旅順口九年任護軍統領從入廣寧偕都統阿山趨錦州明總兵祖大壽遣將合松山兵拒戰兵甫接敵不能支輒潰走俘獲無算叙功加

恩賚崇德二年授議政大臣明年從貝勒岳託證明先驅

踰牆子嶺攻克十一臺進兵山東屢敗明兵還軍  
敗明閣部劉宇亮于通州晉爵三等男六年從圍  
錦州擊敗杏山援兵戰東關援降人諾木齊以歸  
復破松山騎兵拔塔山杏山城加一等男八年攻  
拔中後所及前屯衛晉三等子順治元年從征流  
賊李自成破賊將唐通于一片石既入關破自成  
兵追敗之望都超授三等公從豫親王多鐸帥師  
下河南先自孟津濟撫定瀕河十五堡睢州總兵

欽定盛京通志

流策馬渡縱擊國安軍盡潰擁魯王遁走台州圖  
賴進拔金華衢州諸城擊敗明閣部黃鳴駿于仙  
霞關攻克浦城追明唐王朱聿鍵于汀州斬聿鍵  
盡降其衆閩海悉平回軍次金華病卒年四十七  
子輝塞襲圖賴勇而善謀能以寡覆衆屢立奇功  
未嘗挫衄

世祖親政追

念其功謚昭勲配享



太廟

賜文勒石雍正九年加封號曰雄勇

伊爾德武勲王揚古利從子也天聰三年從略錦  
州寧遠復會大軍入邊薄燕京敗山海關援兵於  
薊州師還奪隘而出五年從圍大凌河城中兵  
哭圍出戰與都統和碩圖等合師夾擊追奔至濠  
而還明監軍叅政張春以兵來援陣于長山有一  
騎挽弓直犯

御營伊爾德馳斬之功最授騎都尉世職尋擢護軍統領  
崇德五年五月從圍錦州戰城下東肅為軍鋒大  
敗明兵七月以兵屯松山明人縱牧于野乃設伏  
烏馨河口盡驅其牲畜殿而歸擊明兵之襲我後  
者斬獲無算特晉爵三等男七年復圍錦州又以  
功晉一等男順治元年駐防錦州二年加一雲騎  
尉從豫親王多鐸南征分兵至南陽歸德招撫甚  
衆至揚州獲戰艦百有奇遂渡江破南京追明福

王朱由崧于蕪湖敗其將黃得功軍晉一等子六年偕都統譚泰征江西叛鎮金聲桓平之進勦廣東叛鎮李成棟於信豐拔其城成棟夜遁馬蹶溺水死別將兵徇撫州建昌破偽將楊奇盛兵還軍勦保定土寇殲之晉一等子八年擢都統明年晉一等伯兼一雲騎尉從敬謹親王尼堪征湖南破賊衡州王追賊遇伏歿于陣坐罷并奪爵十三年起為寧海大將軍勦寇舟山先是明魯王朱以海

走依鄭成功于金門成功忌之乘其將赴南澳沉  
之海詭以颶風敗舟解於以海諸將諸將乃不讎  
成功反為所用遂合衆犯舟山肆掠大嵐山浙東  
大擾及是大軍既抵浙遣將趨斗門擊大嵐山賊  
斬其渠王長樹毛光祚沈爾序盡殲其衆而身率  
舟師抵定海分三路並發賊渠陳六御阮思等擁  
戰艦二百迎戰望江口合擊之追至衡水洋賊却  
復前燃火球將擲我舟忽反風自焚賊大亂我軍

乘之躍入其艦斬六御思等遂定舟山十四年凱旋

命貝勒等勞之郊復其世爵晉一等侯兼一雲騎尉十五年從信郡王多尼征明桂王朱由榔于雲南進兵貴陽乘勝濟盤江屢戰皆捷克雲南十六年克永昌由榔奔緬甸十八年卒於軍年五十六

賜祭葬謚襄敏子陀和齊早卒孫巴渾岱襲

滿達爾漢姓納喇隸正黃旗滿洲先世居哈達父

雅呼率十八戶歸我

太祖為佐領列理事十大臣既老致仕滿達爾漢代父任  
佐領事從征瑚爾哈部招降五百餘戶天聰五年  
兩使朝鮮責其越邊界數逋逃諸罪其王李倬懾  
服入貢八年從征明至大同分兵克四堡一臺又  
攻王家莊拔其城叙功授騎都尉世職積官至禮  
部承政崇德二年從武英郡王阿濟格攻克皮島  
賜白金裘馬順治初累加二等輕車都尉世職尋卒

賜祭葬諡敬敏立碑墓道以其子阿海丹襲

瑪福塔禮部承政滿達爾漢之弟也初任佐領天聰五年授戶部叅政八年使朝鮮責其王李倬違約助明之罪倬引咎報謝已而道出鐵山遇明游兵倬斬六人馘一人縱之還俾誠邊吏戢下毋啟釁以重得罪勞大師聲討邊人憚之擢戶部承政崇德元年復使朝鮮明皮島兵邀於路盡擊走之尋以互市赴朝鮮義州中道獲明哨卒知游兵潛

入鰲場以告遂

命吏部承政濟什哈等擊走之

太宗將親征朝鮮先遣瑪福塔偕前鋒統領勞薩等將兵  
三百為賈人裝疾馳至其國都守將覺之以衆拒  
戰我兵擊殲其衆倥懼詭遣人勞於郊以緩之遂  
遁南漢山城明年正月大軍進圍南漢瑪福塔再  
入城道之納款倥乃具表稱臣率羣僚詣

行在降倥以金餽瑪福塔辭不受四月從攻皮島自北隅



督戰破之十月與同官英俄爾岱賁

勅封侏為朝鮮國王四年復與刑部叅政巴哈納往封侏

妻趙氏為王妃瑪福塔屢使朝鮮能知大體具為  
陳

上恩德朝鮮人感而作頌樹碑三田以垂不朽五年卒

努山姓扎庫塔隸正黃旗滿洲先世居鄂里父塔克  
都歸我

太祖為佐領努山其次子也少從征伐輒先驅覘敵有斬

護授前鋒叅領天聰八年從征大同擒哨卒以獻  
崇德元年偵冷口多所俘獲三年從入邊敗明總  
督吳阿衡於牆子嶺追擊其潰卒獲馬數十及軍  
械火器無算既越燕京而南搜其伏兵五百擊走  
之明太監高起潛以兵躡我後乃設伏道側以少  
卒挑起潛戰引至伏所並起夾擊斬獲甚衆是夜  
起潛集潰卒襲我前鋒營努山大破之追至會通  
河溺死者無算遂自涿州略地抵山東克濟南並

有功六年偵董家口及喜峰口有斬獲從圍錦州  
戰松山杏山皆捷擢前鋒統領時武英郡王阿濟  
格軍於杏山明將自寧遠潛兵來襲適遇努山於  
道皆驚走努山追敗之連山斬級三十獲馬三十  
二七年略寧遠敗其援兵已而城守兵背城出戰  
與前鋒統領武拜擊破之生擒二十三人是年晉  
二等輕車都尉順治元年從豫親王多鐸追勦李  
自成於陝州賊據山而陣將集衆反關努山由間

道拔其營賊遂潰入潼關二年移師定河南下揚  
州進克南京追明福王朱由崧於蕪湖其將田雄  
等執之降三年從貝勒博洛征浙江明總兵方國  
安列營錢塘江東岸江廣不可涉忽沙暴漲努山  
策馬自上流濟國安驚以為神衆大潰進征福建  
斬偽巡撫楊廷清李暄芬馳七晝夜追及明唐王  
朱聿鍵于汀州下其城遂擒聿鍵明桂王朱由榔  
據廣西其大學士何騰蛟總兵王進才馬進忠袁

宗第等分踞湖南郡邑五年從鄭親王濟爾哈朗  
征之六年拔長沙努山簡精銳趨湘潭與都統阿  
濟格尼堪破北門入騰蛟就擒復從尚書阿哈尼  
堪等徇寶慶距城七十里進才進忠引衆來拒努  
山令軍士舍騎而戰戰輒捷直薄城東山進才等  
潛遁追勦至武岡連破其十餘營分克沅州靖州  
進定全州擒斬偽閣部楊鰲及副將以下四十餘  
人七年晉爵二等男世襲十三年擢內大臣十五

年卒

賜祭葬立碑墓道于托岱襲

舒里琿姓棟鄂隸正黃旗滿洲先世居瓦爾喀祖

喀喇

太祖時率族來歸授佐領天命四年擊明總兵劉綎於阿  
布達哩岡身被七創後以創發卒父扎福尼從征  
灤州及瑚爾哈部並有功加一雲騎尉崇德八年  
卒舒里琿初為護軍校天聰五年從圍大凌河城

明將挾蒙古兵出戰擊卻之及父卒遂襲其職順  
治二年從英親王阿濟格勦流賊于延安七戰皆  
捷季自成遁湖廣追躡至安陸獲其戰艦三年騰  
吉思叛歸喀爾喀從豫親王多鐸追之斬獲無算  
復擊敗土謝圖汗碩雷汗兵師還授佐領六年從  
端重親王博洛討大同叛鎮姜瓖其黨姜建勲以  
衆拒戰破之十一年擢護軍叅領十五年再擢副  
都統從信郡王多尼征雲南敗僞侯李成蛟於涼

水井追至雙河口又敗偽晉王李定國兵凱旋晉  
爵三等男十八年八月卒子穆里琿襲舒里琿之  
弟洛多歡尤驍果善戰天聰七年從攻旅順口克  
其城崇德六年從圍錦州敗明總督洪承疇兵七  
年從攻順德先登

賜號巴圖魯累加世職至一等輕車都尉兼一雲騎尉順  
治十七年卒以其弟崆古圖襲

克宜禍姓伊爾根覺羅隸正黃旗滿洲父赫臣使



于葉赫抗節死見忠節傳克宜福初任佐領選為  
捉生將天聰四年從克永平有俘獲八年

予騎都尉世職崇德三年授吏部副理事官六年從鄭親  
王濟爾哈朗攻錦州其東闕有蒙古諾木齊者潛  
約降為內應為明將所覺圍之急克宜福哭入圍  
援以出并衛其眷屬來歸得

恩賚順治二年授

福陵總管兩遇

恩詔晉世職三等輕車都尉尋卒以其子喀齊蘭襲

賚圖庫姓延扎世居葉赫父安達哩

太祖時來歸予騎都尉世職隸滿洲正黃旗屢從

太宗征伐積功至三等輕車都尉及

太宗升遐安達哩號呼累日以殉

世祖特予三等男世爵以賚圖庫襲賚圖庫初任侍衛天

聰五年從圍大凌河城分兵略錦州敗明兵五千

餘復敗監軍叅政張春援兵崇德元年從征朝鮮

三年從征明至通州長驅抵山東濟南轉戰臨清並有功六年從攻松山城明總督洪承疇引兵十餘萬拒戰擊敗之其將曹變蛟乘夜突犯

御營賚圖庫奮力捍禦手斬一人尋從鄭親王濟爾哈朗敗明杏山兵又設伏高橋截擊其潰卒斬二人射殪五人擒二人順治元年從入關擊敗李自成叙功並遇

恩詔晉爵至一等子九年列議政大臣擢內大臣兼佐領

康熙十二年加太子少保二十二年卒

賜祭葬孫錫喇襲

斐雅斯哈姓富察隸正黃旗滿洲初任護軍校天聰六年征察哈爾分兵略大同至朔州城中兵出戰擊敗之崇德三年以護軍叅領從征明入牆子嶺戰密雲敗其步卒五年大軍圍錦州明兵自松山杏山來援屢敗之六年復圍錦州又敗其松山援兵順治元年從入關敗李自成于望都是年冬

從英親王阿濟格西勦自成明年春次榆林賊乘  
夜襲我營擊走之窮追自成至武昌屢戰皆捷復  
以舟師大敗之富池口三年從肅親王豪格勦張  
獻忠過陝西破賊黨胡敬德于三水破叛將賀珍  
于雞頭關進師西克多斬獲六年總兵姜瓖據大  
同叛分踞左衛陷汾州窺太原斐雅斯哈先後率  
護軍勦賊所至克捷賊勢蹙其黨楊振威斬瓖首  
降十三年擢護軍統領列議政大臣尋率兵赴湖

南駐防時獻忠餘黨孫可望踞辰州斐雅斯哈自  
澧州常德進剿賊棄城遁躡擊至瀘溪殲賊甚衆  
十八年從定西將軍愛星阿窮追明桂王朱由榔  
於緬甸緬人執由榔以獻康熙元年凱旋前後遇  
恩詔屢以功叙晉爵至三等男十一年卒

賜祭葬諡僖恪子蘇丹襲

額森姓烏雅隸正黃旗滿洲初任尚膳正海擢至  
內大臣崇德元年從征朝鮮朝鮮遣人致書於明

額森見而射殪之明年偕揚古利大破朝鮮兵揚古利傷於賊會有賊往來山顛下窺我軍或曰此即傷揚古利者額森遂逐之斬其首以獻三年從征明攻濟南大同俱有功授騎都尉世職雍正元年追封一等公

坤姓那木都魯隸正黃旗滿洲天聰中洊擢一等侍衛崇德六年

太宗親率師圍松山城明總兵曹變蛟乘夜犯

御營坤獨扼營門力戰卻敵

賜號巴圖魯

賚白金四百兩授一等輕車都尉世職順治二年晉爵一  
等男十一年以署都統征廣東時流賊張獻忠餘  
黨李定國降於明桂王朱由榔自廣西犯廣東陷  
高州及陽春陽江恩平諸邑進薄新會踞城左山  
峪而營坤與諸軍合擊之定國敗走遂北至橫州  
江岸斬賊無算叙功加一雲騎尉十五年擢內大



臣康熙十二年加太子太保明年授振武將軍駐防汝寧會陝西提督王輔臣叛應逆藩吳三桂由寧羗進踞秦州

詔坤移兵赴西安先是大將軍棟鄂討三桂進師保寧及聞輔臣叛還駐西安令將軍錫卜臣等扼漢中遏輔臣兵不得南通蜀未幾輔臣糾其黨軼鳳縣毀偏橋阻我饟運復截踞棧道斷漢中聲援

詔趨坤援漢中坤次寶雞不能進乃罷坤將軍以內大臣

留軍供調遣尋偕將軍佛尼勒連敗賊復禮縣清  
水伏羌西和等城而漢中阻蹕已五閱月錫卜臣  
以食匱引還西安時十四年七月也十七年

詔趣大軍規復漢中以坤興副都統馬一豹等守潼關十

八年以年老

召還京二十二年追論漢中逗遛狀乃免官降世職為一  
等輕車都尉二十四年起授散秩大臣二十五年  
卒

賜祭葬如例孫顯圖襲

剛林姓瓜爾佳初隸正藍旗滿洲為筆帖式主譯  
漢文天聰八年以漢文中式舉人

命直文館崇德元年授國史館大學士與范文程希福等  
叅議政事疏請重定部院承政以下各為五等又  
請定考取生員舉人之例時

太宗文皇帝四征不庭疆宇日闢剛林屢奉

命詣軍前宣布威德咸稱

上旨積勞授騎都尉世職八年郡王阿達禮謀逆伏誅剛  
林隸其旗下以先事舉發免罪改隸正黃旗供職  
如故順治三年四年兩充會試主考官五年預機  
務晉爵三等男

賜號巴克什六年恭纂

太宗文皇帝實錄充總裁官再充會試主考官是年請令  
六科錄

批答章疏月送史館編輯以備纂修

國史八年請購明天啟四年至七年實錄及崇禎一朝事蹟博訪野史家乘以備纂修明史皆報可尋坐睿親王多爾袞黨以死

濟什喀姓富察隸正黃旗滿洲都統敦拜仲弟也初任佐領崇德四年擢護軍統領五年從征錦州遇松山兵邀戰擊卻之尋偕副都統錫特庫征索倫部擒其部長博穆博果爾以歸六年復圍錦州屢敗其援兵七年授副都統八年兼工部叅政順

治元年從入關追敗流賊于望都叙功授騎都尉  
世職二年從貝勒博洛下浙江駐守杭州明大學  
士馬士英踞嚴州糾衆二萬餘來犯濟什哈督兵  
禦之五戰皆捷尋還京任工部侍郎四年加一雲  
騎尉五年從靖南將軍辰泰勦海賊鄭彩于福建  
連破賊衆復長樂連江同安平和諸縣以功晉二  
等輕車都尉七年遷刑部旋擢尚書晉爵三等男  
九年兼都統列議政大臣十年膠州總兵海時行

叛往會山東總督馬光輝兵勦之時行窮蹙降伏  
誅移兵鎮守湖南十一年

召還十五年大軍分三路勦明桂王朱由榔于雲南征南  
將軍卓布泰自廣西入濟什哈以所部兵助之遂  
進次都勻連敗偽晉王李定國兵會湖南四川兩  
路師攻克雲南由榔奔緬甸十七年以勘定從征  
將士功罪不實降世職為一等輕車都尉十八年  
山東土寇于七糾黨棲霞岨嶧山出掠郡邑濟

什哈以靖東將軍率兵圍其山寨斬賊無算于七  
竄入海賊平康熙元年五月班師八月卒

賜祭葬如例子阿嚕襲六十年阿嚕為其父請諡追諡勇

壯

遜達哩姓嚕布哩隸正黃旗滿洲以驍騎校從征  
伐輒奮勇爭先中創不少卻屢加

恩賚崇德三年從睿親王多爾袞征明入青山口越燕京  
轉戰至山東攻克濟南府城明年凱旋論先登功



第一

賜號巴圖魯予二等輕車都尉世職兼管佐領順治七年授兵部理事官八年遷護軍叅領三遇

恩詔晉爵至二等男十二年擢副都統十六年遷護軍統領先是流賊李自成竄死其餘孽郝搖旗袁宗第降于明大學士何騰蛟騰蛟死搖旗宗第復與其黨劉二虎李來亨竄匿歸州興山間康熙二年以都統穆哩瑪圖海為將軍會陝西四川兵合剿遜

達哩以護軍從直抵茅麓山破其巢二虎來亨自  
經死搖旗宗第就擒餘賊悉平乃班師十二年加  
太子少傅十四年七十有三

賜祭葬諡果壯子杭書襲改隸鑲白旗

諾穆齊瑪福塔長子也隸正黃旗滿洲天聰元年  
從征朝鮮義州以第二人登賚白鎬尋從征廣寧  
有俘獲五年隨

太宗親征大凌河擊敗明監軍道張春軍崇德三年從征

山東擊敗明吳三桂軍明兵乘夜來犯復敗之四年授佐領世職順治初累加世職一等輕車都尉兼一雲騎尉

和穆克圖瑪福塔第四子也天聰九年奉使賣書至明喜峰口等處邊界及還斬哨卒百餘人順治二年授佐領世職屢遇

恩詔加二等輕車都尉十一年因督牧有年勤勞懋著加世職二等男

烏納瑪福塔第七子也崇德三年隨征明攻定州  
先登

賜號巴圖魯八年授佐領世職順治初屢遇

恩詔加二等輕車都尉五年冬山西逆鎮姜瓖叛烏納敗  
賊於寧武復擊敗之左衛城以功加一等輕車都  
尉兼一雲騎尉

蒙古爾岱額駙恩格德爾弟也天命九年隨其兄  
來歸崇德六年

太宗征明駐師錦州杏山等處蒙古爾岱俱在事有功授三等子世職順治元年隨入關擊流寇以功加世職至二等子屢遇

恩詔加一等伯子曼珠習禮初任遊擊天聰二年

太宗親統大軍西征察哈爾曼珠習禮率兵略地以所俘獲獻

賜名達爾漢巴圖魯崇德三年任吏部右叅政六年隨征明圍錦州松山明經略洪承疇兵來援我軍失利

以罪削職順治二年追叙舊臣功績起為佐領七年

恩詔仍給予加一雲騎尉

根特隸正黃旗滿洲父曰達雅里崇德三年從征明攻直隸深州先登克之

賜號巴圖魯四年授佐領世職順治七年九年三遇

恩詔加一等輕車都尉根特早從征戰屢立功績崇德八年從征明至山東攻泗水以第二人登又攻直隸

定州克其城亦

賜號巴圖魯論功授佐領世職順治元年任刑部理事官

疊遇

恩詔加世職一等輕車都尉仕副都統五年從勦江西叛

鎮金聲桓平南昌六郡六年從征大同叛鎮姜瓖

克捷于蒲州平陽康熙十三年逆藩耿精忠叛奉

命移駐南昌相機進剿旋因廣東潮州總兵劉進忠叛復

命速赴廣東並授平寇將軍八月卒於軍

卦拉姓民覺羅隸正黃旗滿洲崇德六年從圍錦  
州擊敗明松山兵於濠邊明經略洪承疇率兵來  
犯我營者三四俱擊敗之時睿親王多爾袞命卦  
拉率大營衛卒以守敵人無一敢犯者旋以兵巡  
哨多俘獲越日破其臺盡殲其衆復擊破監軍道  
張春兵身被三創及至札爾都遇敵率五人追至  
娘娘宮巡視海岸我軍僅千人敵倖至衆皆欲進  
卦拉請少休乃俟夜驟進以一當十敵不及備多



溺死水進師昌平明兵乘夜來犯擊敗之及攻城  
登雲梯者皆被傷退卦拉獨超衆前進奮勇而登  
卒克之我軍圍大同卦拉奉

太宗命一躍而登七年征明攻黃厓口克之順治初從征  
山西四川屢有功卦拉身經行陣身被二十餘創  
劍嗣疊遇

恩詔加世職二等輕車都尉官副都統卒

圖爾伯申姓布爾察隸正黃旗滿洲崇德八年從

征明至山東攻泗水以第一人登

賜號巴圖魯授佐領世職順治七年九年三遇

恩詔加二等輕車都尉累任至杭州將軍致仕卒

賜祭葬如典禮謚敏果

達理善姓那木都魯隸正黃旗滿洲崇德三年從  
征山東攻濟南先登克之

賜號巴圖魯授三等叅領世職六年圍錦州明經略洪承  
疇兵劫我巨礮率兵擊敗之又敗其馬軍者二順

治元年從征山西克其城凱旋移駐杭州連敗明  
偽大學士馬士英等兵五年從征江西叛鎮金聲  
桓敗其七萬衆嗣遇

恩詔加世職三等輕車都尉以老乞休康熙十四年擢副  
都統從征陝西叛鎮王輔臣扶病力戰還營卒進  
世職二等男謚勇烈

昂昆都稜姓博爾濟錦隸正黃旗滿洲本察哈爾  
貝子率衆來歸授三等副將世職天聰三年從征

明至燕京擊明軍門盧象昇兵破之又敗敵于通州六年圍錦州敗明迎戰兵三隊嗣入邊至通州復敗明兵師還卒

舒書姓納喇隸正黃旗滿洲以屢從征伐有功累任副都統崇德二年

太宗命率兵分道征瓦爾喀有俘獲八年從征明寧遠等處復有功賚銀幣順治初從定浙江舟山叙功加世職三等輕車都尉

雅穆哈納隸正黃旗滿洲崇德五年從征明圍錦  
州擊杏山援軍直衝敵陣八年從征明入邊屢敗  
明兵攻冀州以第二人登

賜號巴圖魯順治初授世職二等輕車都尉

圖拉姓舒穆魯隸正黃旗滿洲崇德七年從征山  
東攻泗水傷目身被三創又攻高密新泰等縣俱  
有功順治二年從定江南七年授主事疊遇

恩詔加世職騎都尉十二年陞郎中從征浙江舟山敗偽

總制陳六御等每師三萬手足悉被重傷以功加  
一雲騎尉十八年擊破土賊于鰲山康熙元年擢  
大理寺少卿七年任杭州將軍十三年以病卒  
額勒格爾珠爾隸正黃旗滿洲崇德二年隨征明  
敵兵犯我汎地擊敗之六年復圍錦州擊敗松山  
及錦州城內接應兵七年征松山掘壕為長圍明  
經略洪承疇以騎兵來犯又擊敗之順治元年隨  
入關破流寇以功授佐領世職嗣遇

恩詔加一雲騎尉弟喀蘭圖官理藩院尚書卒謚壯敏

敦達禮隸正黃旗滿洲崇德三年從征明攻定興  
先登六年

太宗親征圍松山敦達禮扈從敵中有介馬前驅者射殪  
之賚人戶順治十一年從征湖廣廣東俱有功加  
世職三等輕車都尉

布顏隸正黃旗滿洲本蒙古人初任佐領天命時  
從征棟奎又從征赫濟赫屯首先陷陣有功及從

圍明錦州俘獲甚衆天聰十年叙功加世職三等  
叅領崇德三年從征明北京擊盧溝橋兵蹇轟斬  
之五年從攻錦州擒斬盈壕六年復隨征錦州克  
其郭擊明經略洪承疇兵敗之是年加世職二等  
叅領順治二年追叙舊勲加一等叅領世職

蘇拉岱隸正黃旗滿洲生而勇敢天命六年從征  
遼陽七年取廣寧及攻北山寨首先衝入敵陣並  
以步戰敗囊努克天聰四年攻永平同二十四人



先登克其城崇德六年圍錦州明兵出穆魯河疾  
馳衝入敵陣擊敗之明兵犯我壕塹復當先擊走  
之又於塔山附近堵截敵軍俘斬甚衆順治元年  
從入關擊流寇論功累遇

恩詔加三等輕車都尉世職同旗有扎宜薩

太祖時以四十人略明邊有功癸丑授備禦世職

覺羅喀愷隸正黃旗滿洲天命七年從征廣寧途  
遇明兵爭先擊敗之天聰八年論功授佐領世職

崇德二年

太宗命往征瓦爾喀部多斬獲明年擢戶部理事官三年  
從征明克定興至涿州遇明太監高起潛兵擊敗  
其衆六年隨征錦州敗松山騎兵順治元年從入  
關追流寇有功加世職一等叅領嗣屢遇

恩詔加二等男

屯起隸正黃旗滿洲初任頭等侍衛

太宗選壯士八人屯起與馬我師初圍松山屯起率兵前

驅破敵天聰四年從征明克永平身多被傷賚銀  
幣馬駝崇德五年圍錦州與庫楞兵戰介馬突陣  
餘軍繼之敵敗走又擊杏山兵敗之進攻松山被  
重創方展視傷痕見敵兵闌入奮起擊敗之又兩  
破明兵于杏山師旋明兵躡我後屯起為殿敵不  
敢近六年

太宗親統兵破錦州師還明兵復來追躡屯起設伏俟過  
半突擊之明兵大潰順治六年隨征大同叛鎮姜

璜敗賊於靈邱又敗賊於左衛者再

惇泰姓馬佳隸正黃旗滿洲天聰五年從攻明大  
凌河於錦州附近駐兵以牽制之明兵來犯惇泰  
當先衝陣敗之崇德八年從征明至山東費縣先  
登克其城

賜號巴圖魯授佐領世職順治七年遇

恩詔加一雲騎尉

嘉隆阿姓錫克特哩隸正黃旗滿洲天聰八年授

佐領世職崇德二年從征明北京擊盧溝橋兵敗  
之四年從征薩哈連烏拉五年從征錦州七年從  
征松阿哩江部屢戰有功順治元年隨入關追破  
流賊於慶都二年叙功累遇

恩詔加世職一等輕車都尉又一雲騎尉

和碩克姓瓜爾佳隸正黃旗滿洲崇德三年從征  
明山東攻寧津先登克其城八年從攻順德復奮  
勇先登授佐領世職順治初從征福建敗賊於侯

闕屢以軍功加一等輕車都尉世職

蘇巴泰姓瓜爾佳隸正黃旗滿洲崇德三年從征  
明至山東攻濟南克之

賜號巴圖魯四年授佐領世職六年從征明圍錦州累戰  
有功順治初累加一等輕車都尉又一雲騎尉世  
職

鄂貝姓瑪佳隸正黃旗滿洲初任佐領崇德三年  
從征明戰青山口越衆前驅斬其騎兵及至山東

復擊明兵敗之五年從圍明錦州擊敗明松山援  
兵又敗其杏山兵順治元年隨南征二年下江寧  
分兵徇崑山前驅擊敗明兵偽總兵王斐等來犯  
常州屢敗之宜興陽湖界尋卒于軍十三年追錄  
其勲晉世職

莽吉圖姓馬嘉隸正黃旗滿洲初任護軍校崇德  
三年隨征明至山東攻寧津登城克之六年從圍  
錦州攻明經略洪承疇三營步兵率先衝入敗其

衆順治元年隨入關破流賊又追敗之潼關四戰皆捷明年平定江南等處俱在行間有功屢遇

恩詔加三等輕車都尉十四年擢副都統駐防江寧卒於

任

富喀隸正黃旗滿洲早從征伐累官兵部叅政崇德七年從征明我師由黃崖口入長城取邊關明總兵白騰蛟奔桃林因選將士攻薊州富喀與馬圍其城大敗之順治元年從入關屢敗賊又隨定



江南奏捷於五惠村三年隨征騰吉思破土謝圖  
汗等兵有功屢遇

恩詔加三等輕車都尉世職尋擢駐防江寧副都統卒於

任

伊古哩姓馬佳隸正黃旗滿洲崇德三年從征明  
攻趙州先登克之

賜號巴圖魯授佐領世職

圖球姓延札隸正黃旗滿洲初隨征雅蘭西林路

斬獲甚衆復從征綏芬等處取黑河島有功崇德三年叙功順治七年三遇

恩詔加三等輕車都尉世職

達拉密姓瓜爾佳隸正黃旗滿洲崇德三年從征明明兵夜犯我前鋒營擊敗之進攻博野奮勇先登克其城四年叙功順治元年隨入關擊流寇復復有功累遇

恩詔加二等輕車都尉世職

和敏姓賚布隸正黃旗滿洲崇德三年從征明攻  
博野下之又攻拔膠州順治初叙功累加三等輕  
車都尉世職

禪楚姓瓜爾佳隸正黃旗滿洲崇德四年隨征薩  
哈連烏拉力戰身被九創仍大破之五年論功授  
佐領世職順治初累遇

恩詔加二等輕車都尉

翁什庫姓寧古塔隸正黃旗滿洲崇德四年從征

薩哈連烏拉擊敵兵於珊延村力戰有功八年從  
征明至山東攻滕縣先登克之

賜號巴圖魯授佐領順治初三遇

恩詔加二等輕車都尉世職

禪玉姓薩克達隸正黃旗滿洲崇德四年隨征黑  
龍江破敵有功授佐領世職

尼克什哈隸正黃旗滿洲崇德五年征明圍錦州  
擊敗杏山馬兵奮勇突陣破其衆及擊杏山步軍

先諸軍直入手被重傷七年圍錦州有松山兵來  
奪我巨礮率兵敗之尋擊敗明經略洪承疇軍順

治初累遇

恩詔加二等輕車都尉世職

薩哈連姓旌額禮隸正黃旗滿洲崇德六年從圍  
錦州擊明軍門洪承疇軍力戰有功順治元年從  
入關擊敗流賊二年議叙授佐領世職同旗有那  
齊哈亦以崇德六年從圍錦州擊松山兵屢立戰

功順治二年擊流賊一隻虎於荊州復有功加騎  
都尉世職

遜古勒岱隸正黃旗滿洲崇德七年從征明圍錦  
州敗敵有功順治元年從入關追敗流寇於慶都  
三年議叙授佐領世職

伍達納隸正黃旗滿洲崇德七年從征明至薊州  
敗明總兵白騰蛟兵順治十一年從征浙江舟山  
有功授雲騎尉

穆納昆隸正黃旗滿洲崇德八年從征明攻冀州  
以第二人登城克之順治元年從入關擊敗流賊  
加佐領世職

綽良隸正黃旗滿洲崇德八年從征明由山東至  
江南攻沭陽克之還師直隸攻順德亦克之

賜號巴圖魯是年叙功授佐領世職順治元年隨入關及  
南征平定河南敗流寇於潼關三年隨擊土謝圖  
汗兵五年從征江西叛鎮金聲桓並在行間有功

十五年議叙加一雲騎尉

科爾堪姓烏雅拉隸正黃旗滿洲崇德八年從征  
明由山東至江南攻沭陽先登克之

賜號巴圖魯授佐領世職治元年從入關追流寇至慶都  
大敗之二年論功累遇

恩詔加二等輕車都尉

圖猷姓延札隸正黃旗滿洲從征雅蘭西林綏芬  
等處皆有功順治初加三等輕車都尉世職



羅琦姓瑪佳隸正黃旗滿洲崇德八年從征明山東以攻濟南功加優叙同旗有海音布於是年從攻薊州以第三人登

賜號巴圖魯又同旗有雅穆布亦以攻薊州先登俱授二等輕車都尉世職又同旗有烏爾佳齊於崇德三年從攻滕縣以第二人登授叅領又同旗有杭舒攻樂城先登愛珠攻鹽城先登俱論功加世職覺羅雅賚隸正黃旗滿洲從征黑龍江部有功天

聰九年加優叙順治初授二等輕車都尉又同旗  
有禪徹

國初以從征烏拉身被九創授備禦世職赫默哩以  
從征阿庫爾尼滿有功授二等輕車都尉世職又  
同旗有扎易薩

國初以四十人往略明邊攻臺斬敵有功授備禦世  
職

欽定盛京通志卷六十九

欽定四庫全書

欽定盛京通志卷  
史部  
七十一

少詹事<sub>臣</sub>曹城覆勘

總校官編修<sub>臣</sub>朱鈴

欽定四庫全書

欽定盛京通志卷七十

國朝人物

六

正白旗滿洲



欽定四庫全書

欽定盛京通志卷七十

國朝人物

六

正白旗滿洲

扈爾漢姓佟佳隸正白旗滿洲世居雅爾古寨

太祖時從其父扈喇虎率所部來歸

恩遇之賜姓覺羅尋授一等大臣居五大臣之列費優城

長策穆特赫苦烏拉侵暴願以戶口歸於我扈爾

漢從貝勒舒爾哈齊往還之將兵三百衛所遷五百戶先行烏拉以萬人邀諸路乃分兵駐山巔防守諸戶口躬與揚古利率二百人直薄烏拉兵力戰竟日敵稍卻我後兵繼至大破之歲丁未從貝勒巴雅喇征東海窩集部歲己酉徇瑚葉路盡降其部落收二千戶而還

太祖嘉之

賜號達爾漢歲辛亥偕何和里征瑚爾哈路攻克扎庫塔

城歲癸丑從征烏拉並有功天命元年偕安費揚  
古征東海薩哈連部至烏勒間河剗舟二百水陸  
並進取河南北三十六寨師抵黑龍江會永結以  
草藉馬蹄蹴冰而渡渡畢冰輒解衆皆驚喜為神  
助遂取江北十一寨招降使犬諾囉錫拉忻諸部  
而還四年明兵分四路來侵從戰薩爾滸尚間崖  
覆其二路兵明總兵劉綎復由寬甸口進棟鄂路  
扈爾漢以兵千人伏山隘摧其前鋒與大軍夾擊



緄于阿布達哩岡緄倉猝不及陣殲其兵五萬人  
緄戰死明年從攻瀋陽擊敗明總兵賀世賢軍游  
晉爵至三等子八年卒年四十八

太祖親臨哭之以其子琿塔襲

薩穆什喀姓佟佳隸正白旗滿洲扈爾漢第三弟  
也少從征伐積功授三等輕車都尉世職天命中  
征棟奎以十二人斬百級獲礮五十三牲畜千計  
功最

太宗即位列十六大臣天聰四年從攻灤州明兵出城戰  
射卻之遂乘勝拔其城七年從攻旅順口率其弟  
雅賚與步軍統領巴奇蘭聯舟進明兵拒戰于厓  
被創復裹創戰城下益厲大軍繼至破之凱旋

太宗勞于郊

親酌金卮以賜加一等輕車都尉八年任叅領副巴奇蘭  
征瑚爾哈部降之加三等男進步軍統領崇德元  
年從入長城分兵攻容城縣先登二年授議政大

臣從攻皮島督前鋒先濟鴨綠紅與都統阿山葉  
臣等攻克之斬其守將沈世奎晉二等子任工部  
承政四年偕刑部承政索海分統左右翼兵征索  
倫部攻克烏庫爾城移軍攻鐸陳城未下城中兵  
結別部阿薩津為援合衆拒戰乃設伏要隘引敵  
前夾擊之斬七十人師還烏魯蘇酋博穆博爾以兵邀  
於路奪我正藍旗輜重索海戰敗之薩穆什哈不  
會戰且爭功坐削世職七年彼攻錦州列寨柵以

圍之明將悉衆來犯執銳甚薩穆什喀力戰三敗  
之錦州既克復授騎都尉世職八年以疾卒子洛  
什於崇德中從征朝鮮及明錦州杏山屢著戰功  
後襲職

雅賚姓佟佳隸正白旗滿洲扈爾漢第七弟也

太祖時征烏拉畧地朝鮮攻遼東征察哈爾俱有功天聰  
三年以兵徇海島遇胡故將毛文龍部衆斬六十  
人毀其船尋偕額駙揚古利追捕雅爾古復遇文

龍部衆斬九十六人擒其千總三人以歸從大軍  
征明薄燕京城明督師袁崇煥來援犯我護軍營  
城中兵亦出應雅賚力戰卻之五年從圍大凌河  
城戰輒捷七年攻旅順口與其兄薩穆什喀駕輕  
舸先濟明將苗龍陳兵于岸雅賚躍登岸大呼突  
入陣奮擊之龍不能軍斂兵至城下再戰雅賚身  
被創戰愈力大敗之卒拔其城論功授騎都尉世  
職崇德二年授議政大臣六年從圍錦州戰松山

七年冬從入薊州下山東以功加一雲騎尉順治  
元年從睿親王多爾袞破李自成于山海關定燕  
京二年復從豫親王多鐸破賊潼關平定河南江  
南屢晉一等男兼一雲騎尉八年擢戶部尚書以  
同官巴哈納給餉不均坐徇隱論罪罰贖尋罷康  
熙三年卒

賜祭葬如例于花色襲

康果禮先世居那木都魯以地為氏歲庚戌大軍

征東海窩集部康果禮以綏芬屯長與其弟喀克  
都哩等率所部來歸授爵三等子俾轄其部人為  
佐領隸滿洲正白旗尋以貝勒穆爾哈齊女妻之  
封和碩額駙天命三年大軍取撫順克撫安三岔  
等十一堡進取鴉鵲關破清河城康果禮並在事有  
功六年從克藩陽先登

太宗即位列十六大臣擢護軍統領天聰元年從大貝勒  
阿敏征朝鮮有功分

賜所俘獲三年從入紅山口下遵化薄燕京明薊遼督師  
袁崇煥錦州總兵祖大壽率兵二萬赴援屯廣渠  
門外康果禮擊敗之未至城濠而返坐奪爵五年  
卒子色琥德承並為佐領邁色為護軍叅領從戰  
塔山歿於陣第四子齊塔別有傳

喀克都哩和碩額駙康果禮之弟也初授爵為三等子

太宗即位任都統天聰元年從征朝鮮有功三年



太宗親統大軍征明攻遵化城喀克都哩督所部卒薩木  
哈圖先登城遂拔

太宗親酌金卮勞之

賚予甚厚晉爵二等子

賜號噶思哈巴圖魯言其勇敢善戰疾如飛鳥也明年大  
軍克永平明兵潰走昌黎遂遣教漢巴林扎魯特  
諸部兵攻其城不克乃

命喀克都哩往助之先是叙遵化功薩木哈圖授騎都尉

世職

賜號巴圖魯且

諭喀克都哩曰拔一堅城易得勇一士難如薩木哈圖者  
宜共愛惜之嗣後攻戰戒其無復為軍鋒至是攻昌黎  
薩木哈圖復樹雲梯將登

太宗亟命止之五年五月喀克都哩偕都統楞額哩往攻  
南海島徵戰艦于朝鮮未至師次海濱明兵屢邀  
戰並擊敗之八月從圖大凌河城分兵攻其城東

北城中食盡明總兵祖大壽降乃班師六年從征  
察哈爾有俘獲七年

太宗集諸貝勒大臣

詢以征明及朝鮮察哈爾宜何先喀克都哩請先征明以  
承

天眷協人情

太宗甚嘉納之八年卒

蘇納姓納喇先世居葉赫

太祖時棄其族人來歸尚主為額駙任佐領隸滿洲正白旗天命十年進叅領從征有功擢副都統天聰元年從攻錦州以勁旅扼塔山西擊敗明兵二千三年春率八十人徇察哈爾降其戶二千比降者閭我兵少謀叛歸明乃殲其桀驁者俘其渠二及八千餘口以還未幾察哈爾降人復有叛歸明者率兵四百追躡之所擒獲甚衆五年授護軍統領擢兵部承政從圍大凌河城城中兵出拒戰擊敗之

復敗其錦州援兵敍功授騎都尉世職八年考滿  
晉三等輕車都尉九年正月坐匿所部丁壯不報  
奪世職七月任都統崇德元年從武英郡王阿濟  
格征明攻克鵬鶚長安諸堡及昌平容城等州縣  
五十六戰皆捷是年冬從征朝鮮擊敗寧邊城援  
兵擒其將于陣三年有訐都統阿山于塞赫臨陣  
退縮者引蘇納謬之及鞠訊不實遂罷都統仍任  
佐領如故順治五年卒于蘇克薩哈以功授三等

輕車都尉

世祖念蘇納舊勞追復其世職令蘇克薩哈併襲為三等男

蒙阿圖隸正白旗滿洲先世居佟佳以地為氏天命初與其兄巴都哩率所部來歸分轄其部人為佐領巴都哩歷官禮部承政天聰八年從攻靈邱之王家莊堡中流矢卒別見忠節傳蒙阿圖游擢副都統列十六大臣天聰三年從入紅山口擊明

總兵趙率教于遵化覆其軍尋征瓦爾喀大捷明年凱旋俘獲三千有奇

太宗親勞之郊授世職為三等輕車都尉任工部承政八年考滿晉世職為二等崇德三年卒子翁克襲英俄爾岱姓他塔拉世居扎庫穆

太祖時從其祖岱圖庫哈哩來歸授佐領隸滿洲正白旗天命四年從征開原有蒙古人阿布爾者降明為開原將素驍勇為軍鋒英俄爾岱馳斬之於陣六

年從克瀋陽遼陽屢晉二等輕車都尉天聰三年  
從克遵化五年授戶部承政七年使朝鮮以義責  
其王李倬倬懾服上書報謝八年晉一等輕車都  
尉考滿晉三等男崇德元年再使朝鮮還遇明皮  
島兵擊走之已而從征朝鮮克其國都圍倬于南  
漢山城與參政瑪福塔賁

敕諭降倬尋授都統六年從睿親王多爾袞圍錦州及松  
山城並有功八年考滿晉三等子順治元年從入



開破流賊李自成改戶部尚書二年超授三等公  
四年復以考滿晉二等公五年卒年五十三子伊  
圖襲

武拜姓瓜爾佳隸正白旗滿洲父烏哩堪事

太祖為前鋒統領推鋒陷陣屢建戰功武拜其長子也自  
幼從征伐輒奮勇先登

太祖愛其才每戒其毋輕敵

太祖嘗獵於郊遙見一巨熊突出有策馬從之者熊疾走

崩馬畏熊不進遂下馬奔逃熊將及發一矢殪之  
墮崩下衆皆望而驚異

太祖曰此非武拜不能使人覘之果武拜也初任佐領從  
滅葉赫下遼東破敵南壽山以功授騎都尉世職  
天聰中畧地錦州從征察哈爾部還軍過大同擊  
敗明總兵曹文詔大軍攻錦州將四百人為前鋒  
破明將祖大壽於大凌河斬副將以下五百人師  
旋設伏敗其追兵加三等輕車都尉世職崇德元

年從征朝鮮二年與十六大臣之列任前鋒統領  
三年從征明以八十人敗明兵於紅山口五年畧  
地中後所沿海而徇俘獲多遷副都統七年復從  
征明越燕京南下山東加世職二等順治元年從  
入關破流賊李自成追至望都加世職一等授內  
大臣三年從追騰吉思復征宣化並有功屢晉爵  
至二等伯八年羅什博爾惠以諂附睿親王獲罪  
武拜坐其黨奪爵十五年

世祖念武拜功復爵以一等子予世襲康熙四年卒諡果

壯子郎談襲季弟蘇拜亦以驍勇知名年十五從

太祖征蒙古有功授侍衛兼任佐領天聰九年從征察哈

爾降林丹汗子額哲遜移師征明攻代州明兵自

崞縣馳救破走之崇德元年從征朝鮮敗敵桃山

村三年授護軍叅領從貝勒岳託入牆子嶺越燕

京敗明太監馮永盛軍五年從圍錦州松山杏山

二城兵先後來援並戰却之尋偕都統圖爾格以

兵三百設伏烏磬河口襲擊明兵千人多所俘獲  
六年復圍錦州以功予騎都尉世職加一雲騎尉  
七年從征至山東屢戰皆捷攻克樂安昌邑二縣  
先登八年凱旋晉世職為三等輕車都尉順治元  
年從定燕京是年冬英親王阿濟格西勦流賊李  
自成蘇拜以所部從取道土默特鄂爾多斯鑿黃  
河水濟師明年春抵榆林進攻延安連破賊時豫  
親王多鐸自河南入潼關已下西安自成走湖廣

遂移兵追之大敗之安陸斬獲無算三年從肅親王豪格勦流賊張獻忠敗賊將高汝礪於三寨山進擊獻忠於西充殪之五年還京授護軍統領游晉爵至一等子加一雲騎尉八年與兄武拜坐羅什博爾惠黨罷官並奪爵九年起為副都統十三年擢內大臣十五年

世祖念其戰功復爵一等男于世襲康熙三年卒諡勤僖子昂安巴襲

阿什達爾罕姓納喇葉赫貝勒錦台什族子也

太祖滅葉赫阿什達爾罕率屬來歸授佐領隸滿洲正白旗天命六年從攻奉集堡進攻遼陽先登克其城論功授一等輕車都尉

太宗嗣位命典外藩齎

勅諭蒙古諸部天聰七年頒律于蒙古八年徵兵科爾沁會大軍於宣府左衛征察哈爾其汗林丹走死阿什達爾罕與前鋒統領武拜等招其台吉塞稜等

來降尋大會蒙古於崇古爾申畫收地平治其獄  
訟還報稱

旨九年從貝勒多爾袞等往察哈爾諭降林丹汗子額哲  
旋兵畧宣府大同多所俘獲崇德元年授都察院  
承政偕大學士希福頒律察哈爾喀爾喀科爾沁  
諸部既還從征朝鮮其國王李倬遁走南漢山城  
豫親王多鐸率師圍之其援兵萬八千集城下分  
樹二柵而別以五千兵營山麓互為犄角二柵兵



方出戰阿什達爾罕與貝子碩託麾精騎競擊之  
大破其軍遂乘銳攻拔山麓營餘衆皆潰明年正  
月李棕降論功晉三等男世襲旋充正使領

赦詔于科爾沁巴林扎魯特喀喇沁土默特阿魯諸部復  
平治其獄訟三年五月以前理科爾沁獄坐徇庇  
論黜七年起復故官六年大軍圍松山明總兵曹  
變蛟乘夜犯

御營諸大臣皆馳赴以死禦敵阿什達爾罕不至乃勒歸

旗明年覈從征松山功罪罷之降世職為騎都尉  
以疾卒年六十三以其子錫達哩襲

景固勒岱姓扎庫塔初居瑚爾哈部烏拉招之降  
不從大軍征東海窩集部景固勒岱徒步詣軍前  
乞降遂從征瑚爾哈部攻取烏勒固宸路斬獲甚  
衆尋挈其孥及所屬三十戶來歸隸滿洲正白旗  
任佐領天命三年從征明至鴉鵲關攻克清河堡  
擢叅領復從大軍取瀋陽遼陽天聰八年征瓦爾

喀部招降屯長芬達里及屯戶五百餘俘阿庫哩  
尼滿部千餘人以還崇德二年從武英郡王阿濟  
格攻皮島克之積功授一等輕車都尉世職屢晉  
二等男順治十一年卒

賜祭葬諡忠直從弟崇阿天聰八年以佐領從征大同戰  
回雁堡我兵三人陷于陣崇阿奪勇援出之崇德  
元年從征朝鮮破敵桃山村六年從鄭親王濟爾  
哈朗圍錦州蒙古人諾木齊武巴什等居州之外

郭來約降為明將所覺以兵防之我軍往援既克  
其郭明兵猶巷戰崇阿擊斬甚衆七年從貝勒阿  
巴泰征明敗明將馬科于渾河南下山東克壽光  
縣城順治元年從豫親王多鐸躡擊李自成於潼  
關二年移師南下從貝勒博洽平浙江攻拔湖州  
進取福建擊敗明唐王朱聿鍵于福寧于騎都尉  
世職五年從將軍譚泰討江西叛鎮金聲桓敗其  
黨王得仁于南昌是年冬廣東叛鎮李成棟犯贛

州以應聲桓崇阿率兵往援會巡撫劉武元總兵胡有陞等夾擊之成棟大敗單騎遁走六年破成棟兵二萬于南康進圍信豐克之成棟溺水死凱旋先後敘功並遇

恩詔加世職至一等輕車都尉康熙十八年致仕子采住襲

譚拜姓他塔喇隸正白旗滿洲父阿敦官都統嘗從攻撫順招降明遊擊李永芳譚拜初任佐領天

聰五年圍大凌河城明總兵祖大壽遣兵百餘突  
圍出譚拜追斬三十餘人獲馬二十有四八年予  
騎都尉世職兼任叅領九年從征察哈爾還軍入  
上方堡徇代州忻州崇德元年從征明敗敵燕京  
城北轉戰盧溝橋二年畧地清河三年入牆子嶺  
薄豐潤縣城擊敗明太監馮永盛兵四年破明兵  
于錦州城南並有功加一雲騎尉五年授兵部叅  
政六年兼任副都統七年冬復從征明下山東克

利津縣八年春師旅明總兵趙光抃范志完總兵  
吳三桂白廣恩等迭出邀戰譚拜戰輒捷晉世職  
為三等輕車都尉順治元年從入關定燕京三年  
擢兵部尚書從征流賊張獻忠過陝西擊敗叛鎮  
賀珍于雞頭關進兵四川屢挫賊渡涪江敗其渠  
袁韜四年遷吏部尚書先後叙功並遇

恩詔晉爵至二等男七年卒子瑪爾賽襲

鄂碩姓棟鄂隸正白旗滿洲父錫罕從征朝鮮陷

陣役見忠節傳鄂碩襲世職為三等輕車都尉天聰八年從攻前屯衛又以兵逐察哈爾降人來歸授佐領九年從攻朔州戰平魯衛崇德元年領事冷口二年市於土默特率將士往為衛並有功三年從入青山口擊敗明太監高起潛兵四年畧寧遠五年六年從圍錦州者再復畧寧遠遇明兵六百騎大破之七年從入界嶺口敗明總督范志完兵於豐潤又擊卻之密雲遂越燕京趨山東師旋



明總兵吳三桂以步騎邀戰鄂碩戰輒捷順治元年從入關追流賊至陝州賊負山為寨以拒攻拔之二年陝西既定移兵下江南鄂碩以前鋒抵睢寧俘斬甚衆從征蘇州明巡撫楊文驄以舟師迎戰敗之趣杭州敗明魯王朱以海兵攻湖州克其城屢以功晉爵二等男六年游擢副都統從征明桂王朱由榔于湖南廣西師還得

恩賚八年授前鋒統領十三年進內大臣加三等子復以

皇貴妃父晉封三等伯十四年卒贈侯

賜祭葬諡剛毅以其子費揚古襲

卓洛姓佟佳隸正白旗滿洲禮部承政巴都哩第  
三子也天聰八年襲爵為三等男兼任佐領崇德  
中從征明下山東畧地錦州復從大軍圍之屢戰  
松山並有功授刑部叅政順治元年從入關擊敗  
流賊李自成二年擢副都統三年從征湖廣敗賊  
荊州時賊黨多降於明桂王朱由榔由榔勢逆張

其將王進才等分踞湖南諸郡邑四年卓洛會恭  
順王乳有德軍進勦自岳州趨長沙進才遁追擊  
敗之偽總兵徐松節拒戰又敗之以舟師還戰天  
心湖復敗偽總兵楊國棟遂入祁陽進攻武岡擊  
敗偽國公劉承允于夕陽橋承允降由榔走廣西  
五年師旋六年擢禮部尚書列議政大臣七年改  
左都御史八年兼都統遷吏部尚書九年以靖南  
將軍征廣東未定州縣十三年再征湖廣勦偽秦

王孫可望於辰州可望焚舟適卓洛渡江攻發其  
伏躡擊至瀘溪屢戰輒捷十四年可望降由榔竄  
雲南十五年大軍分黔蜀粵西三路規取雲南卓  
洛從信郡王多尼出黔陽十六年會師攻雲南下  
之乘勝克永昌騰越由榔奔緬甸僞晉王李定國  
走孟艮尋煽元江土司那嵩倡叛往擊之磨隴口  
敗其黨馬秉忠孫應斗馬忠君進師搗元江克其  
城那嵩自焚死十八年緬人執由榔以獻雲南平

康熙元年還京累遷爵至二等伯

予世襲七年卒

予祭葬諡忠襄以其孫赫特襲

阿濟格尼堪姓他塔喇隸正白旗滿洲父達音布  
事

太祖為前鋒佐領天命八年征扎嚕特部歿于陣別見忠  
節傳達音布既歿長子阿哈尼堪襲職為三等輕  
車都尉尋卒無嗣天聰八年追錄勲臣阿濟格尼

堪遂以次子襲其父職任叅領從征察哈爾擊走其汗林丹遂移軍入大同破明兵于崞縣師還偵敵山海關多斬獲崇德元年從征朝鮮遇明寧遠兵于道擊敗之三年從貝勒岳託征明越燕京敗總兵侯拱極軍獲其印四年擢護軍統領從肅親王豪格攻錦州六年從鄭親王濟爾哈朗再攻錦州屢設伏敗其援兵進擊明兵于杏山麾盡蹂其營明兵大潰有蒙古人諾木齊者故降于明居錦

州之東關願獻關為內應明總兵祖大壽覺之防守嚴未得發阿濟格尼堪遂乘夜薄關先登克其郭援諾木齊等以出尋兩戰松山皆捷晉一等輕車都尉是年八月明總督洪承疇以八鎮兵援錦州我軍營松杏二山之間截其餉道明總兵吳三桂唐通等潛遁阿濟格尼堪偕護軍統領鰲拜等追擊之三桂通僅以身免八年分兵攻中前所擊走明總兵黃色拔其城加一雲騎尉順治元年四

月從入關追敗流賊李自成于望都晉爵一等男  
十月從豫親王多鐸勦自成取道河南渡孟津薄  
潼關賊將劉方亮等于關外浚重濠據險列營以  
拒阿濟格尼堪偕護軍統領圖賴等連破其二營  
乘勝越重濠冒矢石先登賊衆驚潰大軍遂入關  
二年進攻西安自成竄湖廣乃征明福王朱由崧  
於江南下淮安趨揚州攻克其城獲戰艦二百餘  
渡江破南京躡由崧於蕪湖敗其舟師捷



聞晉爵三等子三年從貝勒博洛定浙閩攻克金華衢州  
破仙霞關下建寧延平明唐王朱聿鍵遁走汀州  
追擊至城下率精銳先登擒斬聿鍵偽總兵姜正  
希以衆二萬赴援大破之斬殺過半明年凱旋晉  
爵一等子子世襲五年進都統六年以叅贊大臣  
偕鄭親王征湖廣時明桂王朱由榔遣其大學士  
何騰蛟總兵王進才馬進忠等據湖南郡邑師抵  
長沙阿濟格尼堪先驅至湘潭破北門入騰蛟就

擒殲其潰衆于湘鄉遂趨甯慶距城七十里進才  
進忠引兵拒戰我軍分步騎為八隊更番迭擊直  
薄城東門進才等潛遁去追勦之沅州靖州進定  
全州七年正月班師晉爵三等伯列議政大臣四  
月卒

予祭葬諡勇敢子宜里布襲

薩弼圖姓他塔喇隸正白旗滿洲先世居札庫穆  
父沙津當

太祖時來歸授佐領薩弼圖其長子也沙津卒代為佐領  
天聰八年以勞績予騎都尉世職尋兼任叅領崇  
德四年從承政薩穆什喀索海征索倫部攻克烏  
庫爾雅克薩城俘丁壯百餘進攻鐸陳城未下其  
別部阿薩津來援偕副都統伊遜設伏掩擊之斬  
七十人五年凱旋加一雲騎尉尋從圍錦州刈其  
禾明兵自城西北隅出戰火器競發勢銳甚薩弼  
圖麾衆突陣呼聲振天地明兵披靡反走遂北至

城濠而還移軍扼松山駱駝山截擊明援兵屢敗  
之六年再圍錦州跨濠架木橋逼其城而營城中  
出樵採者輒為所擒斬明兵投火欲焚橋擊之遁  
既而步騎全集將犯我營門薩弼圖斬其先進者  
二人明兵遂潰時明總督洪承疇以兵十三萬救  
錦州軍於松山遣兵擊我巨礮薩弼圖擊卻之復  
乘勝破其步卒三營以功晉世職為三等輕車都  
尉擢副都統七年從貝勒阿巴泰入界嶺口擊敗

明總兵馬科於渾河轉戰至山東攻克平度州城  
順治元年從入關定燕京偕都統葉臣巴哈納勦  
撫山西圍賊將陳永福于太原下其城以兵徇旁  
近府州縣既平往會英親王阿濟格師于延安協  
討流賊李錦七戰皆捷敍功復遇

恩詔晉爵至二等男尋以年老致仕十八年卒

賜祭葬如例子果里襲

毛爾喀珠瑪拉姓那木都魯隸正白旗滿洲世居

兀爾喀部少事

太宗以材勇稱天聰八年授騎都尉世職時有同名珠瑪拉者乃寇故所居部名以別之崇德二年從征額赫庫楞諸路多俘獲四年從征明攻克故城縣先登復擊敗其游兵擒裨將一尋從征索倫部設伏大敗其衆加授三等輕車都尉世職六年從圍錦州力戰松山被礮傷幾殆防守錦州諸山砦明兵來犯擊斬甚衆以功晉世職為二等任吏部理事

官考滿再晉世職為一等順治元年入關破流賊  
李自成三年從征流賊張獻忠於四川六年從討  
叛鎮姜瓖先後敘功並遇

恩詔晉爵一等男十年卒於官弟伊瑪喇襲

碩詹姓富察正白旗滿洲父舒穆祿事

太祖為佐領既卒碩詹代其任尋兼叅領天聰五年畧城

城斬游徼兵三人擒六人以歸八年予騎都尉世

職崇德元年從征朝鮮分兵攻克江華島加一雲

騎尉三年兼任刑部理事官八月從貝勒岳託入  
牆子嶺越燕京而南至山東攻克禹城平陰先登  
明年春旋師明兵襲我後擊却之敘功晉三等輕  
車都尉尋擢戶部叅政五年大軍將征錦州徵水  
師于朝鮮還報稱

旨及從圍錦州明兵夜劫我駱駝山營碩詹聞警趨援斬  
馘過半七年兼任副都統順治元年後入關擊敗  
流賊李自成既定燕京改戶部侍郎從豫親王多



鐸勤自成于陝西明年破賊潼關進取西安移兵  
定河南遂下江南五年從鄭親王濟爾哈朗征湖  
南時湖南諸郡縣為明桂王朱由榔所據六年偕  
都統佟圖賴等進兵湘潭薄衡州屢戰皆捷下其  
城七年凱旋先後敍功並遇

恩詔晉爵一等男九年以疾罷康熙二年卒年六十有四  
賜祭葬諡明敏以其孫達色法色分襲世職為二等輕車

都尉

星訥姓覺羅爾察隸正白旗滿洲初為二等侍衛  
兼佐領從擊蒙古兵於塔山北射殪其渠天聰七  
年偕叅領素爾東阿駐守遼河尋領軍事于察哈  
爾猝遇敵擊敗之其部有東多爾濟塔蘇爾海者  
倚山為寨星訥躍躋其巔直前搏戰敵大驚棄寨  
遁去八年從大軍征察哈爾分道出哈瑪爾嶺降  
其部人鄂勒哲圖及林丹汗西奔土默特移師畧  
大同明將自龍門逆戰大破之崇德三年偕承政

葉克舒征黑龍江功最四年游擢副都統魚議政  
大臣六年授工部叅政從圍錦州明總督洪承疇  
以兵十三萬赴援屯松山北岡先登破其壁壘屢  
戰皆捷七年敗明總兵吳三桂白廣恩於高樓八  
年擢工部承政順治元年從入關以步卒擊走流  
賊是年改工部尚書三年西征張獻忠進師西安  
分兵勦賊於邠州秦州會肅親王豪格兵于四川  
遂滅獻忠凱旋晉太子少師六年從討大同叛鎮

姜瓖圍其城瓖簡驍勇蒙盾突圍出擊却之再戰  
城下瓖其勁兵殆盡累晉至二等男八年英親王  
阿濟格謀干政星訥隸王麾下不舉劾坐奪爵九  
年起為工部尚書十年致仕十四年復

予一等輕車都尉世職兼一雲騎尉康熙十三年卒

賜祭葬孫巴勒達襲

錫圖庫姓烏扎拉隸正白旗滿洲初任佐領兼前  
鋒叅領天聰中從大軍取永平傾敵大凌河尋圍

其城擊敗錦州援兵徇宣府大同畧地錫爾哈錫  
伯圖克長城徇代州朔州崇德中傾敵寧遠中後  
所及山海關東設伏前屯衛具有勞績逮葉雷叛  
於多博科煽其部人盜科爾沁諸部馬挈妻孥以  
遁錫圖庫魯寧古塔副都統烏巴海督兵躡之追  
及于溫鐸葉雷潛遁乃盡斬其部人俘其妻孥獲  
其所盜馬蹤跡葉雷于山中射殪之敕功爵以一  
等男征索倫敗之甘河擒其酋博穆博果爾及其

弟布固德敘功晉三等子順治初以前鋒統領從  
勦李自成敗賊將唐通于一片石入山海關敗自  
成于肅安進兵山西取太原又敗賊于汾州絳州  
敘功晉二等子自成退踞陝西大軍由潼關綏德  
分道進討錫圖庫以兵會勦于延安自成遁湖廣  
擊之安陸遂北至荊州殲賊無算復從肅親王豪  
格殄張獻忠于四川敘功晉一等子時湖南郡邑  
為明桂王朱由榔所據乃從鄭親王濟爾哈朗南

征抵長沙率兵先渡江攻湘潭破西門執其大學士何騰蛟遂定湘潭進克永興斬其總兵官尹舉智杜貞明等尋偕諸將下寶慶全州明新興伯焦璉等分三路拒戰擊卻之移兵攻克永安闢定道州凱旋

賜白金三百八年內大臣武拜等訐英親王阿濟格欲謀亂錫圖布坐預謀當斬除爵

準塔扈爾漢第四子也天聰八年授騎都尉世職

崇德二年從攻皮島久不下準塔與鰲拜誓于主將曰志不强力不果氣不銳者不下此城準塔鰲拜丈夫也請旦而克之爭先冒矢石拔其城特爵以三等男

命曰巴圖魯擢都統七年駐防錦州順治元年從入關破流賊于真定以左翼兵定山東明福王朱由崧遣兵屯徐州擊走之尋攻宿遷破清河遂下廬州鳳陽偽官降者百餘人獲戰艦馬駝器械無算敘功



晉三等子子世襲從征四川下夔州遵義俘斬甚衆復征陝西破賊黨武大定等川陝悉平四年凱旋卒五年追論戰功晉一等子無子以弟阿喇密襲十二年追諡襄毅

庫哩姓喜塔喇隸正白旗滿洲初任叅領崇德六年圍錦州庫哩統朝鮮兵以從克其郭斬八百餘級復敗松山北崖軍明將糾科爾沁兵突犯我師庫哩麾衆力戰礮傷其手不少卻卒破之再戰松

山多斬獲功最七年擢戶部叅政順治三年以戶部侍郎督淮安漕四年鹽城土寇周文山以八百餘人夜襲淮安突入其解庫哩率標兵數十人禦之使僕婢傳箭助戰人皆一當百達旦賊敗去追斬八十餘級時偽益王朱隆武襲據廟灣城乘間將窺淮安庫哩設伏車家橋賊舟至伏發擊斬及溺死者無算復簡精銳疾趨廟灣賊望風遠竄以次勦劉莊場諸賊悲平之尋召還京七年以病致仕累加

世職至一等輕車都尉兼一雲騎尉未幾卒

賜祭葬諡僖恪子耀泰襲

伯勒赫圖姓納喇隸正白旗滿洲初由前鋒校授  
兵部副理事官崇德中從睿親王多爾袞圍錦州  
戰松山杏山間分兵畧寧遠並有功擢前鋒叅領  
順治元年從討李自成擊敗賊將唐通於一片石  
既定燕京追賊安肅望都並多斬獲復從豫親  
王多鐸蹙自成于潼關二年移師下江南徇蘇

州擊走明巡撫楊文驄獲其船二十餘從貝勒  
博洛下杭州擊敗明大學士馬士英兵別將兵  
徇湖州以雲梯克其城三年進師金華戰捷八  
步嶺遂分道征明唐王朱聿鍵于福建平之五  
年從鄭親王濟爾哈朗征湖南時自成餘黨王  
進才馬進忠袁宗第等降于明大學士何騰蛟  
分踞寶慶武岡諸州郡六年伯勒赫圖率所部  
兵破湘潭執騰蛟乘勝薄寶慶克其東門進忠

引兵來援擊敗之進忠跳河走僅以身免尋下  
武岡沅州屢敗進才宗第兵進定全州七年凱  
旋得

恩賚八年從都統阿喇善勦山東土寇搗其巢于沂州蒼  
山斬賊渠劉遜張齊搜捕旁近諸山悉馘其渠九  
年改護軍叅領先後敘功並三遇

恩詔洊晉一等輕車都尉世職十三年進前鋒統領十五  
年大軍分三道討明桂王朱由榔于雲南伯勒赫

圖隸信郡王多尼軍進兵貴州偽將劉正國迎戰  
安莊衛偕護軍統領布伊錫哩擊敗之追斬正國  
於響水橋遂濟盤江會兵克雲南城十六年進攻  
玉龍關偽鞏昌王白文選敗遁斬獲無算長驅下  
永昌渡潞江二十里抵磨盤山偽晉王李定國設  
伏山谷我前鋒既深入伏起伯勒赫圖下馬據石  
立連矢殪賊三人賊却將軍卓布泰以精銳繼進  
發火器競擊之賊大潰偽伯竇名望糾潰衆扼隘

口列柵以拒伯勒赫圖率兵破其柵斬名望遂取  
騰越州由榔定國文選皆分竄去追逐踰南甸而  
還及信郡王班師伯勒赫圖偕都統卓洛留駐雲  
南定國復自孟艮謀入犯約降將高應鳳為內應  
以由榔印劄誘元江土司那嵩倡叛伯勒赫圖等  
聞亂馳擊賊于磨隴口進圍元江拔其城那嵩自  
焚死斬應鳳于軍十八年從將軍愛星阿勦由榔  
于緬甸會師木邦聞文選屯錫箔江濱伯勒赫圖

簡精騎先發比至文選已毀橋遁遂結筏以濟會  
緬人請獻由榔乃以前鋒百人往蘭鳩江濱取之  
以歸康熙元年還京敘功晉一等男六年輔政大  
臣蘇克薩哈為鰲拜所構陷坐族誅伯勒赫圖其  
族弟也竟以株連死八年

聖祖親政察其枉追復原官及一等男爵以其子伯爾肯  
襲十年其子訴陳平雲南功前為鰲拜所抑未予  
優敘得



肯下部議晉爵三等子

賜祭葬諡忠勇

賚塔和碩額駙康果禮第四子也崇德六年從圍  
錦州擊松山杏山援兵有斬獲明年冬從征明攻  
克新城高陽霸州壽光博興皆先登身中五創授  
前鋒侍衛順治元年從討流賊李自成敗賊將唐  
通于一片石追擊自成至安肅望都授護軍叅領  
從豫親王多鐸蹙賊潼關明年下江南攻克揚州

取江寧追敗明福王朱由崧於蕪湖三年從征明  
唐王朱聿鍵于福建克汀州五年從征明桂王朱  
由榔于湖南六年師至衡州戰青草橋再戰州之  
南山進師祁陽戰大忠橋王公嶺屢戰道州全州  
皆捷十一年由榔將李定國犯廣東從都統珠瑪  
喇擊走之遂解新會圍追敗定國於興業橫州累  
功晉三等男十三年擢護軍統領十六年海賊鄭  
成功犯江寧偕安南將軍達素往勦比至賊已遁

入海明年進剿成功於廈門以不習水戰久無功  
康熙元年撤師還京坐奪職二年起署前鋒統領  
從征流賊李來亨於茅麓山有功復授護軍統領  
八年擢都統十三年逆藩耿精忠叛應吳三桂自  
福建犯浙江

命康親王傑書為大將軍討之以齊塔為平南將軍贊其  
軍務遣將連敗賊金華復義烏諸暨二城進兵衢  
州大小十餘戰斬馘無算賊將馬九玉遁入閩乘

勝破仙霞關進拔浦城建陽建寧會師延平精忠  
窮蹙迎降蓋十五年十月也先是成功于錦乘精  
忠亂盡陷漳州泉州興化諸府叛鎮劉進忠復以  
潮州附錦勢甚熾及是精忠既平遂以明年正月  
統大軍勦錦連破其二十六營復興化漳州泉州  
錦走兩島移師潮州進忠降賡塔留駐其地又明  
年錦遣其黨劉國軒陷平和長泰海澄漳平同安  
惠安遂犯泉州勢復振賡塔以所部兵會總督姚

啓聖破賊蜈蚣山覆其七營斬七千餘級復長泰  
分兵復漳平平和諸縣再破賊萬松關十八年賊  
將吳淑何佑犯長泰擊敗之迎擊國軒于江東橋  
遂北至太平寨前後斬三千餘級十九年復海澄  
進征松嶺偽將軍陳昌率衆降錦走臺灣廈門金  
門相繼定齋塔還軍廣東而三桂子世璠尚據雲  
南乃佩平南大將軍印與貝子彭泰分道討世璠  
齋塔自廣西泗城西隆進抵石門坎地距安籠三

十里峭壁通一綫賊將何繼祖擁衆數萬營其上  
自謂扼天險二十年元旦賚塔度賊無備勒軍為  
二一軍蟻附上直攻其前一軍緣崖出間道擊其  
後賊倉猝不能禦遂奪隘口克安籠所城賊復據  
黃草壩驅象而陣賚塔督兵戰竟日鼓勇奮擊象  
反走我軍乘之破其營二十二俘賊一千有奇進  
收曲靖分兵取霑益馬龍嵩明會彰泰軍薄雲南  
陣斬賊將胡國柄劉圮龍世璠自殺其黨線緘開

城降雲南平

聖祖勞於廬溝橋西二十里外

行抱見禮二十三年卒

予祭葬加祭二次諡襄毅二十五年追封一等男以其子

費業楞襲雍正五年進封一等公以其孫博爾屯

襲八年入祀賢良祠九年加公號曰褒績

真柱肯姓扎思瑚哩隸正白旗滿洲

國初來歸天命元年隨征薩哈連烏拉部在行間有

功天聰八年授佐領世職崇德五年從征明圍錦  
州擊敗杏山松山兵六年復圍錦州松山兵來犯  
劫我巨礮復擊敗之八年從征明擊敗明兵於界  
嶺口順治元年隨入關擊破流賊二年敘功加世  
職二等叅領嗣晉三等男

覺羅色勒

景祖曾孫武功郡王禮敦孫也隸正白旗滿洲天聰十年  
隨定朝鮮進取江華島敵兵截河盡收其船隻色



勒率右翼兵徑渡遂取其島以功授佐領世職尋  
以色勒係武功郡王孫

特恩超加一等男順治初

恩詔加至二等子子額爾德崇德時從圍錦州等處亦以

軍功著

阿布岱隸正白旗滿洲世居葉赫

國初來歸授備禦世職管佐領事在十六大臣之列  
從

太祖破開河烏拉等處有功天命四年征遼東廣寧天聰  
七年擊察哈爾十年征朝鮮並在行間歷有戰績  
錫達理阿什達爾罕長子也初任佐領天聰三年  
隨征明燕京至三河有俘獲五年攻大凌河城內  
兵出戰擊敗之六年隨征明八邊至大同擒其哨  
卒及征察哈爾敗其伏兵七年襲父佐領世職崇  
德元年從征朝鮮破其兵於桃山村三年隨征明  
敗明兵於燕京五年隨圍錦州設伏擊敗明兵順

治四年任理藩院侍郎仍管佐領事累晉世職一等輕車都尉加太子少保康熙三年卒

賜卹如典禮

瑪克圖康熙禮姪也隸正白旗滿洲父曰昂武事太祖在十六章京之列天命四年從征葉赫先登以功授叅將世職早卒瑪克圖襲尚宗室公達爾察女崇德元年隨征朝鮮進攻平壤一躍而登蒙

恩賚並加世職三等叅領尋卒

書襄姓格濟勒隸正白旗滿洲早從征伐崇德四年隨征薩哈連烏拉有功九年授佐領世職尋卒以姪伊巴罕襲職順治時加世職二等輕車都尉從征雲南及緬甸等處屢有勲績

滿都護隸正白旗滿洲天命四年從征明取撫順攻連島灣寨堡先登克之又從克鐵嶺天聰九年隨征阿庫哩尼滿効力行間崇德六年從征明圍錦州擊敗松山兵八年征薩哈連烏拉擊敗之順

治元年從入關敗流寇屢遇

恩詔加一等輕車都尉世職同旗有猷德赫以從征西林  
部及遼東皆有功授二等叅將有伊爾鼎以從征  
明山東濟南有功都爾晉以從征明皮島有功俱  
授騎都尉

雅布哈姓巴雅拉隸正白旗滿洲

國初來歸

太祖嘉其慕義授為備禦崇德五年隨圍錦州擊杏山及

松山兵俱敗之八年從征明燕京過渾河連擊敗  
明兵至山東攻齊東先登拔其城順治間累遇

恩詔加三等輕車都尉世職

噶爾珠隸正白旗滿洲初從征阿庫哩効力行間  
及明兵侵我輝發地噶爾珠奮勇擊敗之復從征  
瑚葉部有功天聰九年隨征阿庫哩尼滿等處攻  
其部落順治初加三等輕車都尉世職

尼罕隸正白旗滿洲天聰三年隨征明攻永平先

登克其城八年從征烏拉撫降六村尋往卓甕城  
擊敗敵兵敘功

賜號巴圖魯授三等叅領世職

噶布拉姓扎庫塔隸正白旗滿洲初從征薩哈連  
烏拉以軍功授佐領世職崇德四年復從征薩哈  
連烏拉以病卒於軍其從孫達穆圖崇德八年征  
明入邊屢立戰功尋至山東攻平度州先登克之  
順治初入關從征山西陝西皆有功加世職一等

輕車都尉魚一雲騎尉

克徹尼姓庫雅拉隸正白旗滿洲

國初來歸導我兵收服漠北遣往額赫庫楞安插其  
戶口而回及再往適三處村人不服攻克之以功  
授備禦世職又以嚮導從征奇勒及阿庫哩尼滿  
等部加以職三等叅領嗣以追獲阿達海加一等  
叅領子額格什諾崇德八年從征明密雲及山東  
新城皆有功順治初併其父世職加一等男



隨孫隸正白旗滿洲崇德三年從征明山東過任  
邱克之四年敘功加佐領世職子和爾博崇德六  
年從圍錦州有功順治初加世職一等輕車都尉  
圖爾賽隸正白旗滿洲

國初隨征明至遮嶺口前驅遇敵擊敗之順治元年  
從入關破賊將唐通於一片石追至安肅斬馘甚  
衆復追至慶都大敗之二年錄其功績

瑚什納隸正白旗滿洲天聰四年從征明攻鵬鶚

城奮勇先登克之崇德三年從征明遇燕京至通州河岸遇敵敗之又連敗明太監高起潛等軍進攻南宮先登克其城五年隨征明圍錦州刈其禾城內明兵出護首先衝入敵陣直抵城壕又連敗明杏山松山錦州兵以功加佐領世職任兵部理事官八年從征明寧遠敵兵出戰敗之順治元年從入關勦流寇時賊守黃河渡口以兵擊破之二年至陝西連敗賊復追破其潼關二營至九公山

又敗之五年考滿稱職累遇

恩詔加一等輕車都尉又一雲騎尉世職

布庫姓民覺羅祿正白旗滿洲其父胡密碩事

太祖時有嘉哈瑚什者謀逆遣其黨持鴆藥來獻瑚密碩  
探知飛馬馳奏謀乃敗天聰八年追錄其功授佐  
領世職布庫襲職崇德三年征明從攻任邱克其城  
順治初遇

恩詔加三等輕車都尉

都達海姓托和羅隸正白旗滿洲初任護軍校崇  
德三年隨征明至山東攻濟陽克之順治元年隨  
南征追破流賊于潼關二年隨征浙江至杭州連  
破偽兵於餘杭平湖等處三年從破喀爾喀土謝  
圖汗及碩雷汗兵四年錄其勲加優敘

布當齊理姓納喇隸正白旗滿洲初任叅領崇德  
德三年從征明過燕京出邊明兵來犯奮擊敗之  
五年隨圍錦州擊杏山兵六年圍錦州破松山兵

皆先登陷陣八年隨攻明至三河擊明兵于渾河  
岸順治元年隨破流賊于潼關先登克其關門二  
年至揚州攻城克之三年敘功授佐領世職

嘉努喀隸正白旗滿洲崇德三年從征明攻寧津  
以第二人先登克之順治初累遇

恩詔加三等輕車都尉同旗有尼堪姓扎思瑚哩崇德三  
年從征明攻武邑有功順治十五年從征偽晉王  
李定國屢奏捷尋卒於軍康熙七年敘功加贈三

等輕車都尉

賽達隸正白旗滿洲崇德三年隨征明至山東敗  
明兵於青山石六年從圍錦州破明經畧洪承疇  
軍順治元年隨擊敗流賊於山海關及平山西攻  
太原並著功績二年追破流賊于鳳翔三年錄功  
加優敘同旗有三德布崇德三年從征明山東攻  
夏津先登

賜號巴圖魯授佐領順治初加一雲騎尉

堪泰隸正白旗滿洲崇德四年從征薩哈連烏拉  
設伏社城外斬馘甚衆五年從征明圍錦州破其  
衆松山兵來援又破之併敗其杏山兵六年復圍  
錦州擊敗松山兵八年隨征明敗敵于渾河岸順  
治元年從入關破流賊於慶都累遇

恩詔加二等輕車都尉

卓訥隸正白旗滿洲崇德五年從征明於塔山北  
攻克四臺隨圍錦州擊敗杏山兵六年再圍錦州

擊破松山兵又破明經畧洪承疇三營步兵八年  
隨征明連敗敵于密雲等處至山東膠州又敗明  
兵進攻樂安先登克其城順治元年隨入關二年  
加世職佐領累遇

恩詔加二等輕車都尉

棟鄂樂隸正白旗滿洲初隨征杏山松山皆有功  
順治初從徇山東福建郡縣歷著戰績授騎都尉  
加一雲騎尉三遇



恩詔加一等輕車都尉

察罕隸正白旗滿洲崇德五年隨征明圍錦州城  
內兵出擊敗之又破明杏山兵六年圍錦州與明  
松山兵合戰奮擊有功復破明經畧洪承疇三營  
軍八年從征明攻寧遠設伏於烏蘭哈達明兵來  
追擊敗之順治四年授雲騎尉三遇

恩詔加三等輕車都尉十八年從征山東土寇于七敗賊  
將劉思舉等之衆復破之東嶺山大寨嶺康熙三

年敘功加授二等輕車都尉

台玠隸正白旗滿洲崇德五年隨征明圍錦州刈  
其禾城內兵出援敗之又連敗其杏山松山軍六  
年圍錦州合擊明松山敗其衆八月破明經畧洪  
承疇三營步兵八年隨征寧遠擊敗明騎兵順治  
元年從入關追流賊至慶都大敗之以功授佐領  
世職及隨征陝西連破賊于潼關二年追執明福  
王于蕪湖督巨礮攻常熟克其城三年論功加優

敘

覺羅塘古善隸正白旗滿洲崇德六年隨圍錦州  
敗明松山軍順治元年從入關以功授佐領世職  
五年加一雲騎尉累遇

恩詔加一等輕車都尉世職同旗有達爾罕崇德七年從  
圍松山有功順治初加二等輕車都尉世職

阿玉璽隸正白旗滿洲崇德六年從圍錦州破明  
經畧洪承疇援軍順治二年駐防江寧連敗賊衆

五年從征江西叛鎮金聲桓四戰皆捷累遇

恩詔加世職二等輕車都尉後緣事降三等

穆福姓佟佳隸正白旗滿洲崇德八年隨征明率  
衆圍中前所乘夜據其城順治元年從入關追流  
賊至慶都敗之復敗賊于真定從征山西至懷慶  
遇賊追敗之黃河岸而還北至太原絳州連敗賊  
衆獲其戰艦二年隨征陝西湖廣敗賊于西安承  
天等處三年敘功授佐領世職五年從征江西叛

鎮金聲桓連破之九江南昌尋至建昌招服南豐  
等縣累遇

恩詔加一等輕車都尉世職

薩克察姓錫塔拉隸正白旗滿洲崇德八年隨征  
明至山東攻壽光先登克其城

賜號巴圖魯授佐領世職順治元年從入關積軍功三遇  
恩詔加一等輕車都尉同旗有和爾特崇德八年從征明  
至山東攻平度州先登亦

賜號巴圖魯順治初累以軍功加三等輕車都尉

欽定盛京通志卷七十